



INFORME SOBRE O PROXECTO DE DECRETO POLO QUE SE MODIFICA O DECRETO 274/2001, DO 27 DE SETEMBRO, POLO QUE SE APROBA O PLAN DE ORDENACIÓN DOS RECURSOS NATURAIS DO PARQUE NATURAL MONTE ALOIA E POLO QUE SE APROBA O II PLAN REITOR DE USO E XESTIÓN DO PARQUE NATURAL MONTE ALOIA.

En cumprimento do disposto no artigo 43.2 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, esta Secretaría Xeral Técnica emite o seguinte,

INFORME

1. Obxecto

Constitúe o obxecto do presente decreto a modificación do Decreto 274/2001, do 27 de setembro polo que se aproba o Plan de Ordenación dos Recursos Naturais do Parque Natural Monte Aloia e a aprobación do II Plan reitor de Uso e Xestión do Parque Natural Monte Aloia.

2. Marco normativo e competencial

O artigo 149.1.23 da Constitución española atribúe competencia exclusiva ao Estado para aprobar a lexislación básica sobre protección do medio ambiente, sen prexuízo das facultades das comunidades autónomas de establecer normas adicionais de protección. Así mesmo, o seu artigo 148.1.9 dispón que as comunidades autónomas poderán asumir competencias na xestión en materia de protección do medio ambiente.

O artigo 27.30 do Estatuto de autonomía de Galicia establece a competencia para aprobar normas adicionais sobre a protección do medio ambiente e da paisaxe nos termos do artigo 149.1.23.

A Lei 42/2007, do 13 de decembro, de patrimonio natural e biodiversidade, sinala no seu artigo 31: "Os Parques son áreas naturais que, en razón á beleza das súas paisaxes, a representatividade dos seus ecosistemas ou a singularidade da súa flora, da súa fauna ou da súa diversidade xeolóxica, incluídas as súas formacións xeomorfolóxicas, posúen uns valores ecolóxicos, estéticos, educativos e científicos cuxa conservación merece unha atención preferente".



Na Comunidade Autónoma de Galicia aprobouse a Lei 9/2001, do 21 de agosto, de conservación da natureza, que ten entre os seus obxectivos a protección, restauración e mellora dos recursos naturais e a adecuada xestión dos espazos naturais e da flora e fauna silvestre. Nesta lei tamén aparece a figura de parque natural entre as categorías de espazos naturais protexidos. Esta Lei foi derogada pola recente Lei 5/2019, do 2 de agosto, do patrimonio natural e da biodiversidade de Galicia, que establece na súa disposición transitoria sétima que "os procedementos administrativos en tramitación á entrada en vigor da presente lei tramitaranse pola normativa vixente ao iniciarse a súa tramitación, polo que se aplica na súa tramitación a Lei 9/2001, do 21 de agosto, de conservación da natureza.

Este espazo declarouse como parque natural mediante o Decreto 155/1997, do 5 de xuño publicado no Diario oficial de Galicia, núm. 123, do 27 de xuño.

O Parque Natural Monte Aloia dispón dun Plan de Ordenación dos Recursos Naturais aprobado polo Decreto 274/2001, do 27 de setembro (DOG nº 205, do 23 de outubro), que recolle no seu articulado a necesidade de que o Plan Reitor de Uso e Xestión o desenvolva mediante programas básicos de actuación sectorial e que se elaborará segundo o disposto da Lei 9/2001, do 21 de agosto, de conservación da natureza e na Lei 4/1989, de conservación dos espazos naturais e da flora e fauna silvestre (norma derogada pola Lei 42/2007, do 13 de decembro).

Pola súa banda o artigo 31 da Lei 9/2001, do 21 de agosto, de conservación da natureza, enumera os distintos instrumentos de planificación dos espazos naturais protexidos e establece que nos parques a xestión levará a cabo mediante plans reitores de uso e xestión. En consecuencia e mediante esta disposición, procede aprobar o Plan Reitor de Uso e Xestión do Parque Natural Monte Aloia, como instrumento específico de xestión do Parque natural.

O Decreto 42/2019, do 28 de marzo, polo que se establece a estrutura orgánica da Consellería de Medio Ambiente Territorio e Vivenda, establece que esta consellería é o órgano da Administración da Comunidade Autónoma a que lle corresponden as competencias e funcións en materia de ambiente, ordenación do territorio e urbanismo, conservación do patrimonio natural, paisaxe e vivenda, conforme o establecido no Estatuto de autonomía para Galicia, nos termos sinalados na Constitución española

Polo demais, e no que se refire á competencia para a aprobación do proxecto sobre o que versa o presente informe, a mesma correspóndelle ao Consello da Xunta de Galicia, de conformidade co artigo 4.6 da Lei 1/1983, do 22 de febreiro, de normas reguladoras da Xunta e



da súa presidencia, de acordo co disposto no artigo 34.5 d antedita Lei 1/1983 e dos artigos 37, 38, 39 e 43 da Lei 16/2010, do 17 de decembro, de organización e funcionamento da Administración Xeral de do sector público autonómico de Galicia.

3. Estrutura do proxecto normativo

O proxecto de decreto consta de 3 artigos, unha disposición adicional, unha disposición derogatoria tres disposicións derradeiras e tres anexos

4. Tramitación

O proxecto de decreto tramítase de conformidade co disposto nos artigos 40 a 44 da Lei 16/2010, do 17 de decembro e tendo en conta o disposto na Lei 30/2014, do 3 de decembro, de parques nacionais, a Lei 9/2001, do 21 de agosto, de conservación da natureza, e a Lei 42/2007 do 13 de decembro, de patrimonio natural e da biodiversidade.

Consonte co artigo 41.1 da Lei 16/2010, do 17 de decembro, a persoa titular da entón Consellería de Medio Ambiente e Ordenación do Territorio, encargou á Dirección Xeral de Patrimonio Natural a elaboración do borrador de decreto. Consonte co artigo 41.3 da mesma lei, a aprobación inicial do anteprojecto como proxecto de orde pola persoa titular tivo lugar en data 18 de setembro de 2018.

No expediente conséntase que de acordo co disposto no artigo 41.2 da Lei 16/2010, do 17 de decembro, o proxecto de decreto acompáñase dos seguintes documentos, correspondentes a fase inicial da tramitación:

Unha memoria xustificativa sobre a súa legalidade, acerto e oportunidade

Unha memoria económica-financieira con estimacións dos custes que pida xerar e o seu financiamento e unha memoria económico-financieira complementaria.

Un informe do servizo técnico- xurídico.

En canto ao procedemento de elaboración deste decreto por medio do anuncio do 11 de xaneiro de 2018, foi sometido á participación do público conforme ao establecido no artigo 16 da Lei 27/2006, do 18 de xullo, pola que se regulan os dereitos de acceso á información, de participación pública e de acceso ao medio ambiente.



Conforme ao establecido no artigo 42 da Lei 16/2010, de 17 de decembro, de organización e funcionamento da Administración xeral e do sector público autonómico de Galicia, previo á aprobación do Plan Reitor de Uso e Xestión, o día 19 de novembro de 2018 publicase no Diario Oficial de Galicia núm 220, o Anuncio de 10 de outubro de 2018, da Dirección Xeral de Patrimonio Natural polo que se acorda someter ao procedemento de información pública o proxecto de decreto polo que se aproba o Plan Reitor de Uso e Xestión do Parque Natural Monte Aloia.

Debido á conveniencia de modificación do PORN para adecuar a zonificación, faise un novo trámite de información pública e sometemento á transparencia.

Con posterioridade ao trámite de información pública solicitáronse os informes sectoriais preceptivos nos termos establecidos nos artigos 41 e seguintes da Lei 16/2010, de 17 de decembro, de organización e funcionamento da Administración xeral e do sector público autonómico de Galicia.

Igualmente incorporáronse ao expediente os informes emitidos pola Dirección Xeral de Ordenación do Territorio e Urbanismo, polo Consello Galego de Medio Ambiente e Desenvolvemento Sostible e pola Xunta Consultiva do Parque Natural Monte Aloia.

Durante a tramitación pronunciáronse sobre o proxecto os seguintes órganos:

Informe de impacto de xénero da Secretaría Xeral de Igualdade de 6 de novembro de 2019

Informe da Dirección Xeral de Avaliación e Reforma Administrativa de data 19 de novembro de 2019

Informe de sostenibilidade financeira da Dirección Xeral de Planificación e Orzamentos de data 12 de decembro de 2019.

Informe da Dirección Xeral de Función Pública de data 21 de novembro de 2019.

Informe da Dirección Xeral de Ordenación do Territorio e Urbanismo de 12 de novembro de 2019.

Informe do Consello Galego de Medio Ambiente e Desenvolvemento Sostible do 11 de novembro de 2019.

Consta no expediente a xustificación do tratamento das alegacións recibidas.



XUNTA DE GALICIA

CONSELLERÍA DE MEDIO AMBIENTE,
TERRITORIO E VIVENDA
Secretaría Xeral Técnica

San Lázaro, s/n
15781 SANTIAGO DE
COMPOSTELA

galicia

Na fase final da tramitación, o expediente remítese ao preceptivo informe da Asesoría Xurídica da Xunta de Galicia, emitíndose o informe en data 5 de decembro de 2019.

En cumprimento do disposto no artigo 43.3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, o proxecto someterase a aprobación da persoa titular da Consellería de Medio ambiente, Territorio e Vivenda.

De conformidade co exposto, esta Secretaría Xeral Técnica informa favorablemente o proxecto de decreto polo que se modifica o decreto 274/2001, do 27 de setembro, polo que se aproba o plan de ordenación dos recursos naturais do parque natural monte aloia e polo que se aproba o II plan reitor de uso e xestión do parque natural monte aloia

Santiago de Compostela, 13 de decembro de 2019

A secretaria xeral técnica

Carmen Bouso Montero



